



## Universitätsbibliothek Paderborn

### Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

**Parisiis, 1644**

Epistola CCLXVIII. Ioannis Papae VIII. Ad Methodivm Archiepiscopvm.  
Gratulatur de orthodoxae fidei cultu, & de eius erga religionem studio &  
cura. precatur in dies spiritualem profectum maiorem, ...

**urn:nbn:de:hbz:466:1-15967**

de hoc iudicatum fuit, & legaliter diffinitum. Data quarto Nonas Martii, indictione XIV.

## EPISTOLA CCLXVIII.

## IOANNIS PAPÆ VIII.

AD METHODIVM ARCHIEPISCOPVM.

Gratulatur de orthodoxæ fidei cultu, & de eius erga religionem studio & cura. precatur in dies spiritualem profectum maiorem, eumque consolatur.

*Methodio archiepiscopo, pro fide.*

PASTORALIS solitudinis tua curam, quam in lucrandis animabus fidelium Domino Deo nostro exhibes, approbantes, & orthodoxæ fidei te cultorem strenuum existere contemplantes, nimis in eodem Domino iucundamur, & ei immensas laudes, & gratias agere non cessamus: quia te magis ac magis in suis mandatis accendat, & ad sanctæ suæ ecclesiæ profectum ab omnibus aduersitatibus clementer eripiat. Verum auditis per tuas literas variis casibus, vel eventibus tuis, quanta compassione tibi condoluerimus, ex hoc aduertere poteris, in quo te coram nobis positum, sanctæ Romanæ ecclesiæ doctrinam, iuxta sanctorum patrum probabilem traditionem, sequi debere monuimus, & tam symbolum, quam rectam fidem a te docendam & prædicandam subdidimus; nostrisque apostolicis literis glorioso principi Sventopulcro, quas ei afferis fuisse delatas, hoc ipsum significauimus, & neque alia literæ nostræ ad eum directæ sunt, neque episcopo illi palam, vel secreto aliud faciendum iniunximus, & aliud a te peragendum decreuimus: quanto minus credendum est, vt sacramentum ab eodem episcopo exegerimus, quem saltem leui sermone super hoc negotio allocuti non fuimus. Ideoque cesset ista dubietas, & Deo cooperante, sicut euangelica & apostolica se habet doctrina, orthodoxæ fidei cultum fidelibus cunctis inculca, vt de labore tui certaminis, Domino Iesu Christo fructum afferas abundantem; & gratia eius remuneratus, mercedem recipias competentem. Ceterum de aliis temptationibus, quas diuerso modo perpeccus es, noli tristari; quin potius hoc, secundum Apostolum, omne gaudium prorsus existima. Quia

si Deus pro te, nemo esse poterit contra te : tamen cum  
Deo duce reuersus fueris, quidquid enormiter aduersum  
te est commissum, quidquid iam dictus episcopus contra  
suum ministerium in te exercuit; utramque audientiam  
coram nobis discussam, adiuuante Domino, legitimo fi-  
ni trademus, & illius pertinaciam iudicij nostri sententia  
corripere non omittemus. Data decimo Kalendas Apri-  
lis, inductione decimaquarta.

## EPISTOLA CCLXIX.

IOANNIS PAPÆ VIII.

AD CAROLVM IMPERATOREM.

Nuntiat imperatori se iis malis a Sarracenis affici, vt am-  
plius sustinere non possit. rogat eumdem, vt fibi  
subsidio exercitum mature mittat; eique  
palmam cum benedictione mittit.

*Carolo imperatori.*

**M**VLTARVM oppressionum nostrarum, fili carissime, Carolus  
vobis obliuisci non conuenit, & calamitatum no- eius nomi-  
strarum, quæ sancta mater vestra Romana ecclesia pati- nis terrius  
tur, oportet vos reminisci, & tunc demum ad aliquam Craftus di-  
consolationem nostram manum vestræ pietatis porrig- catus, cuius  
re, & auxilium nobis præbere quantocius debetis: Scitis supra in  
namque quæ, quanta & qualia, præcipue a Paganis mala,  
quantasque etiam miserias patimur; & in nobis commissis,  
quantum quotidie affligamur, & vos estis experti, & nos  
partim vestræ clementiæ paulo ante significauimus. Et  
cum quotidie hæc eadem mala non minui, sed magis ac  
magis crescere ac dilatari cernamus, dolor & gemitus, ac  
sine fine tristitia imminet, ac per hoc libet magis mori,  
quam, proh dolor! iam talia tolerare. Proinde spiritualis filii,  
semperque Auguste, gloriam vestram summopere de-  
precamur, vt pro amore Dei omnipotentis, & reueren-  
tia principum apostolorum Petri ac Pauli \* hostilem exer-  
citum, quem istas in partes venturum esse dixistis, mo-  
ram perpeti non sinatis, sed cum omni velocitate, ad auxi-  
lium nostrum, quæsumus, dirigatis: vt, Domino adiuuan-  
te, ad respirationem nostram Agarenos expugnet, & nobis  
quantulamcumque de ipsis Paganis tranquillitatem valeat

Carolus  
eius nomi-  
nis terrius  
Craftus di-  
catus, cuius  
supra in  
epist. 42. fa-  
cta est men-  
tio.

*Concil. Tom. 24.*

R r ij